

## 第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿  
妙覺-普光明殿



## 二. 十住 – 忉利天宮

佛昇須彌頂品

菩薩雲集妙勝殿上說偈品

菩薩十住品

梵行品

初發心菩薩功德品

明法品



華嚴經初發心功德品之初發心功德校量之一			
帝釋徵詢		爾時，天帝釋白法慧菩薩言：佛子！初發心菩薩為成就幾功德藏？	
法義甚深		法慧答言：佛子！是處甚深！難知、難信、難解、難說、難通、難分別，雖然，我當承佛神力，具足演說。（說十二種譬諭辨別初發心功德，即行者為圓滿世界成就而發心）	
兩種供養樂具一劫多劫譬諭	世間譬諭供養一劫	佛子！假使有人供養東方阿僧祇世界眾生一切樂具乃至一劫，然後教令淨修五戒，南、西、北方，四維，上、下，亦復如是。佛子！於意云何？彼人功德寧為多不？	
	世間校量	帝釋言：佛子！除諸如來，其餘一切，不能稱量彼人功德。	
	功德校量	法慧菩薩語帝釋言：佛子！初發心菩薩功德之藏百分，彼人功德不及其一，千分、百千分、億分、百億分、千億分、百千億分、百那由他分、千那由他分、百千那由他分、億那由他分、百億那由他分、千億那由他分、百千億那由他分，乃至不可數不可譬諭不可說分，彼人功德不及其一。	
	供養百千無量劫住於聲聞乘	佛子！復置此論：假使有人供養十方各十阿僧祇世界眾生一切樂具乃至百劫，然後教令淨修十善；教十善已，又復供養一切樂具乃至千劫，然後教令淨修四禪；教四禪已，又復供養一切樂具至百千劫，然後教行四無量心；又復供養一切樂具乃至億劫，然後教行四無色定；又復供養一切樂具至百億劫，然後教令得須陀洹果；又復供養一切樂具至千億劫，然後教令得斯陀含果；又復供養一切樂具至百千億劫，然後教令得阿那含果；又復供養一切樂具至億那由他劫，然後教令得阿羅漢果；又復供養一切樂具至千億那由他劫，然後教令盡成緣覺。佛子！於意云何？彼人功德寧為多不？	
	世間校量	帝釋白言：佛子！彼人功德唯除諸佛，其餘一切悉不能知。	
圓滿十波羅蜜發心功德	佛波羅蜜發心		法慧言：佛子！初發心菩薩功德之藏，百分千分乃至不可數不可譬諭不可說分，彼人功德不及其一。何以故？佛子！一切諸佛初發心時，
		不為小果發心	不為供養十方各十阿僧祇世界眾生一切樂具，百劫乃至千億那由他劫故，出興於世；
			亦不為教爾所眾生，淨修五戒、十善、四禪、四無量心、四無色定、須陀洹果、斯陀含果、阿那含果、阿羅漢果、辟支佛道故，出興於世；
		總說	欲不斷佛種故，發菩提心；
		佛	欲充滿十方一切世界故，發菩提心；
		法	欲悉度脫一切眾生故，發菩提心；
		僧	欲悉知一切世界成壞故，發菩提心；
		精進	欲悉知一切世界中眾生垢淨起故，發菩提心；
		禪定	欲悉知一切世界自性清淨故，發菩提心；
		般若	欲悉知一切群生虛妄煩惱習氣故，發菩提心；
		方便	欲悉知一切眾生死此生彼故，發菩提心；
		願	欲悉知一切眾生諸根方便故，發菩提心；
		力	欲悉知一切眾生心心所念故，發菩提心；
		智	欲悉分別三世一切眾生故，發菩提心；
		結會	欲悉知一切諸佛平等境界故，發菩提心。

## 華嚴經初發心功德品之初發心功德校量之二

圓滿十波羅蜜發心功德	法波羅蜜發心	為遍往十方世界得了知故而發心	佛子！復置此論：假使有人於一念頃，能過東方無量世界，彼人以此自在神力，從此東行盡無量無數阿僧祇劫，猶不能得世界邊際；
			又第二人，神力自在，於一念頃能過前人無量無數阿僧祇劫所行世界，此第二人從此東行盡無量無邊阿僧祇劫，猶不能得世界邊際；又第三人，神力自在，於一念頃，能過前人無量無數阿僧祇劫所行世界；又第四人，神力自在，於一念頃，能過前人無量無數阿僧祇劫所行世界；又第五人，神力自在，於一念頃，能過前人無量無數阿僧祇劫所行世界；又第六人，神力自在，於一念頃，能過前人無量無數阿僧祇劫所行世界；又第七人，神力自在，於一念頃，能過前人無量無數阿僧祇劫所行世界；又第八人，神力自在，於一念頃，能過前人無量無數阿僧祇劫所行世界；又第九人，神力自在，於一念頃，能過前人無量無數阿僧祇劫所行世界；又第十人，神力自在，於一念頃，能過前人無量無數阿僧祇劫所行世界；彼第十人，以此最勝自在神力，從此東行盡無量無數阿僧祇劫，猶故不得世界邊際，十方世界亦復如是；
			如是展轉乃至百人，其人以此最勝自在神力，於無量無數阿僧祇劫所至十方，尚可了知得其邊際，初發心菩薩功德之藏，不可得知，
			何以故？初發心菩薩不齊限，為爾所世界眾生故，發菩提心；悉為十方一切世界眾生故，欲度一切眾生故，欲分別知一切世界故，發菩提心；
			欲知微細世界即是大世界，知大世界即是微細世界；
			知少世界即是多世界，知多世界即是少世界；
			知廣世界即是狹世界，知狹世界即是廣世界；
			知一世界即是無量無邊世界，知無量無邊世界即是一世界；
			知無量無邊世界入一世界，知一世界入無量無邊世界；
			知穢世界即是淨世界，知淨世界即是穢世界；
			於一毛孔中悉分別知一切世界，於一切世界中悉分別知一毛孔性；
			知一世界出生一切世界，知一切世界猶如虛空，
			欲於一念知一切世界，悉無有餘故，發阿耨多羅三藐三菩提心。
	僧波羅蜜發心	為悉知世界成壞劫數盡無餘而發心	佛子！復置此論：假使有人，於東方無量無邊阿僧祇世界，於一念中悉分別知成敗之數，此人精勤方便，念念次第，於無量無數阿僧祇劫，欲盡算知東方世界成敗之數，猶不能知；
			又第二人，於第一人無量無數阿僧祇劫，所算世界成敗之數，於一念中悉能了知，此人精勤方便，念念次第，於無量無邊阿僧祇劫，猶不能盡知東方世界成敗之數；
			如是展轉，乃至第十；彼第十人，於第九人無量無邊阿僧祇劫所算世界成敗之數，於一念中悉能了知，此人精勤方便，念念次第，於無量無邊阿僧祇劫，猶不能盡知東方世界成敗之數，乃至十方，亦復如是；
			十方無量無邊世界成敗之數，尚可了知；初發心菩薩功德之藏，不可得知，
			何以故？初發心菩薩摩訶薩不為齊限，知爾所世界劫數成敗故，發菩提心；菩薩摩訶薩，欲悉了知一切世界劫數成敗故，發菩提心；
			欲知長劫即是短劫，短劫即是長劫；
			知一劫即是不可數阿僧祇劫，不可數阿僧祇劫即是一劫；

# 華嚴經初發心功德品之初發心功德校量之三

圓滿十波羅蜜發心功德	僧波羅蜜發心	劫數盡無餘而發心 為悉知世界成壞	知一切有佛劫；知一切無佛劫；
			知一佛劫中有無量佛，知無量佛劫中有一佛；
			知異劫中有無異劫，知無異劫中有異劫；
			知有盡劫是無盡劫，知無盡劫是有盡劫；
			知無量劫即是一念，知一念即是無量劫；
			知一切劫入無劫，知無劫入一切劫；
			欲悉了知過去、未來際及現在一切世界劫數成敗故，發阿耨多羅三藐三菩提心。是名菩薩初大誓莊嚴，所謂：悉知一切劫智慧照明。
	精進波羅蜜發心	（成就十波羅蜜精進及本體二智發心） 為知一切世界眾生解差別而發心	佛子！復置此論：假使有人，於一念中悉知無量無邊阿僧祇世界眾生種種欲樂，此人精勤方便，念念次第，於無量無數阿僧祇劫不能盡知東方一切世界眾生種種欲樂；
			如是展轉至第十人，此第十人，於第九人無量無數阿僧祇劫，精勤方便，所知眾生種種欲樂，於一念中，悉能了知，此人如是精勤方便，念念次第，無量無數阿僧祇劫，猶不能盡知東方一切世界眾生種種欲樂，乃至十方，亦復如是；
			如是十方無量無邊阿僧祇世界眾生種種欲樂，尚可了知；初發心菩薩功德之藏，不可得知。
			何以故？佛子！初發心菩薩摩訶薩不齊限欲知爾所世界眾生種種欲樂故，發菩提心；
			欲悉知十方一切世界眾生種種欲樂故，發阿耨多羅三藐三菩提心；
			欲知種種無量欲樂即是一欲，而亦不壞一切欲性，
			欲悉知一切眾生欲樂海，
			欲知一眾生欲即是一切眾生欲，
			欲悉知一切眾生去、來、現在種種欲樂，
			欲悉知相似欲、不相似欲，
			欲知一切欲即是一欲、一欲即是一切欲，
			欲得具足如來種種欲樂力、
			欲知有上欲、無上欲，有餘欲、無餘欲，等欲、不等欲，有所依欲、無所依欲，共欲、不共欲，有邊欲、無邊欲，善欲、不善欲，世間欲、出世間欲，大智欲、淨欲、勝欲、無礙智欲、無礙智佛解脫欲、清淨欲、不清淨欲、廣欲、狹欲、細欲、麤欲，故發阿耨多羅三藐三菩提心；
			欲悉知一切眾生，一一眾生有十種欲，所謂：因苦生欲、方便欲、希望欲、著味欲、隨因生欲、隨緣生欲、盡欲、一切欲、初發心菩薩摩訶薩欲悉分別了知此諸欲網故，發阿耨多羅三藐三菩提心。
	禪定	知眾生諸根	佛子！復置此論：假使有人於一念中，悉知無量無邊阿僧祇世界眾生種種諸根，以此智慧精勤方便，念念次第，於無量無數阿僧祇劫不能盡知東方一切世界眾生種種諸根，廣說乃至悉知一切眾生，一一眾生有十種根。
	般若	知眾生希望	佛子！復置此論：假使有人於一念中，悉知東方無量無邊阿僧祇世界眾生種種希望，廣說乃至悉知一切眾生，一一皆有十種希望。

## 華嚴經初發心功德品之初發心功德校量之四

圓滿十波羅蜜發心功德	方便	知眾生方便	佛子！復置此論：假使有人於一念中，悉知無量無邊阿僧祇世界眾生種種方便，廣說乃至悉知一切眾生，一一皆有十種方便。
	願	知眾生心意	佛子！復置此論：假使有人於一念中，悉知無量無邊阿僧祇世界眾生念念心意，廣說乃至悉知一切眾生，一一皆有十種心。
	力	知眾生諸業	佛子！復置此論：假使有人於一念中，悉知無量無邊阿僧祇世界眾生種種諸業，廣說乃至悉知一切眾生一一皆有十種業。
	智波羅蜜發心	煩惱差別而發心 為知十方眾生	佛子！復置此論：假使有人於一念中，悉知東方無量無邊阿僧祇世界眾生種種煩惱，此人精勤方便，念念次第，於無量無數阿僧祇劫，猶不能知東方一切眾生種種煩惱；
			如是展轉乃至第十；此第十人，於第九人無量無數阿僧祇劫所知眾生種種煩惱，於一念中悉分別知，此人精勤方便，念念次第，於無量無數阿僧祇劫，猶不能盡知一切眾生種種煩惱，乃至十方亦復如是；爾所世界一切眾生種種煩惱尚可得知，初發心菩薩功德之藏，不可得知。
			何以故？佛子！初發心菩薩不齊限欲知爾所世界眾生種種煩惱故，發阿耨多羅三藐三菩提心；欲悉分別了知一切眾生種種煩惱故，發菩提心；所謂：
			欲悉知輕煩惱、重煩惱、結使煩惱、纏煩惱、一一眾生無量煩惱、一切眾生種種覺觀煩惱、依無明煩惱、愛相應煩惱、貪欲不善根煩惱、瞋恚不善根煩惱、愚癡不善根煩惱、等分煩惱、一切煩惱、根本煩惱、我我所煩惱、我慢煩惱、邪憶念虛妄生煩惱、因身見生六十二見等諸煩惱、蓋煩惱、障礙煩惱，（二十種煩惱）
			欲悉了知一切眾生煩惱惑網，具足大慈大悲一切種智故，發阿耨多羅三藐三菩提心。
	如來地盡法界發心（總說）	供養無邊諸佛及眾生者亦不能及	佛子！復置此論：假使有人於一念中，悉見東方無量無邊世界現在諸佛及彼一切眾生，此人悉能恭敬、禮拜、尊重、讚歎、一心觀察種種供養，無量上味肴膳飲食，香華、瓔珞、繒綵、幢蓋、上妙宮殿嚴飾、帳幔、寶網羅覆、眾寶莊嚴師子之座，此人精勤方便，念念次第，以如是等眾妙供具，無量無數阿僧祇劫供養諸佛；
			又復勸教彼諸眾生，以如是等眾妙供具，於無量無數阿僧祇劫供養諸佛，彼諸如來般涅槃已，復為一一諸如來故，以無量寶起塔供養，其塔高廣，一周滿無量無邊世界，又以上妙眾寶而莊嚴之，一一塔中有無量無數如來形像，彼諸形像光明普照無量無邊諸佛世界，又復勸彼一一眾生為諸如來，起眾寶塔，嚴好如前，十方世界亦復如是。佛子！於意云何？彼人功德寧為多不？
			帝釋答言：彼人功德，唯佛乃知，餘無能及。
			法慧答言：佛子！初發心菩薩摩訶薩功德之藏，百分、千分、乃至不可數、不可譬喻、不可說分，彼人功德不及其一。
			佛子！假使有人於第一人及所勸眾生精勤方便，念念次第，無量無數阿僧祇劫，所作功德諸供養具，於一念中，皆悉能辦，此人如是精勤方便，念念次第，於無量無數阿僧祇劫供養功德，廣說如前；
			如是展轉乃至第十人，廣說亦復如前；初發心菩薩摩訶薩功德之藏，百分、千分、乃至不可數、不可譬喻、不可說分、彼人功德不及其一，

# 華嚴經初發心功德品之初發心功德校量之五

圓滿十波羅蜜發心功德	如來地盡法界虛空界發心功德（總說）	供養無邊諸佛及眾生者亦不能及	何以故？佛子！彼菩薩不為齊限，供養爾所如來故，發阿耨多羅三藐三菩提心，欲悉供養十方法界、虛空界等世界中三世諸佛故，發阿耨多羅三藐三菩提心；發是心已，得知盡過去際諸佛無障礙智，得信盡未來際諸佛功德，得知盡現在際一切諸佛所說智慧，彼三世一切諸佛功德，此菩薩摩訶薩悉皆信向受持修習，得證身證，悉等諸佛一切功德，	
			何以故？初發心菩薩摩訶薩，	
			佛	
		涅槃十波羅蜜	欲不斷一切諸佛性故，發菩提心；	
			法	
			欲令慈悲心充滿一切世界眾生悉無餘故；	
			僧	
			欲悉度脫一切眾生故；	
			精進	
			欲悉知一切世界成敗故；	
			禪定	
			欲悉知一切世界眾生垢淨起故；	
			般若	
			欲令三有眾生悉得清淨故；	
		菩薩十波羅蜜	方便	
			欲悉知一切眾生心念煩惱習故；	
			願	
			欲悉知一切眾生死此生彼故；	
			力	
			欲悉知一切眾生諸根方便故；	
			智	
			欲悉知一切眾生心心行故；	
			佛	
			欲悉知一切三世眾生故；	
			法	
			欲悉知三世諸佛具足功德故；	
			僧	
			欲悉知三世諸佛無上菩提故；	
			精進	
			欲悉知三世諸佛具足淨法故；	
			禪定	
			欲悉知三世諸佛法平等相故；	
			般若	
			欲悉知三世諸佛無上智慧因緣清淨故；	
			方便	
			欲悉知長養三世諸佛智慧力故；	
			願	
			欲悉具足三世諸佛無畏法故；	
			力	
			欲悉具足莊嚴三世諸佛不共法故；	
			智	
			欲悉得法界等無量無邊三世諸佛平等智慧故；發阿耨多羅三藐三菩提心。	
		得與三世諸佛平等	何以故？此初發心菩薩即是佛故；	
			悉與三世諸如來等，	
			亦與三世佛境界等，	
			悉與三世佛正法等，	
			得如來一身無量身，	
			三世諸佛平等智慧所化眾生，皆悉同等；	
			悉能震動一切世界，	
			悉能普照一切世界，	
			悉能休息一切世界諸惡道苦，	
			悉能嚴淨一切世界，	
			悉於一切世界示現成佛，	

## 華嚴經初發心功德品之初發心功德校量之六

圓滿發心功德	總說發心功德	初發心菩薩與三世諸佛平等	悉令一切眾生皆得歡喜，		
			悉令一切眾生解深法界，		
			悉能護持諸佛種性，		
			悉得諸佛智慧光明；		
			彼初發心菩薩摩訶薩，常不遠離三世諸佛及諸佛法，一切菩薩、緣覺、聲聞及所行法，世間、出世間法，眾生及眾生法，專求菩提智慧無礙。		
十方世界諸佛讚歎授記	佛	十方震動	爾時，佛神力故，說初發心菩薩功德藏力故，十方各萬佛剎塵數世界六種震動，雨眾天華、天香、天末香、天鬘、天寶、天莊嚴具，自然演出微妙樂聲；又復震吼師子之音，放大光明普照十方。		
			爾時，十方各過十佛剎塵數世界，有萬佛剎塵數諸佛，悉號法慧，各現其身，示法慧菩薩而告之言：善哉！善哉！佛子！善說初發心菩薩功德之藏，我等萬佛剎塵數如來，亦悉演說發心菩薩功德之藏，十方世界一切諸佛亦復如是；		
	僧	法	十方佛讚授記成佛	法慧菩薩說是發心菩薩功德藏時，萬佛世界塵數眾生，皆得初發心菩薩功德之藏，發阿耨多羅三藐三菩提心；我等今者悉授彼記，於未來世，各於十方一時成佛，同號淨心如來、應供、等正覺，我等悉當護持此法，普為未來諸菩薩故；	
				授記說法	如此娑婆世界、四天下閻浮提、菩提樹下、須彌山頂、妙勝殿上、敷演此法，教化眾生，十方世界千億那由他不可量、不可數、不可思議、無有邊際、不可說法界、虛空界等諸世界中，亦說是法教化眾生，
					十方同名法慧說法
法慧菩薩說偈結會初發心功德			爾時，法慧菩薩普觀十方，普觀一切大眾，觀虛空界，觀成就眾生界，不違業報，清淨如虛空界，欲拔三有垢穢眾生，欲令眾生得廣解脫，欲知種種諸根，等觀三世正趣涅槃，及現自身甚深清淨諸功德故，承佛神力，以偈頌曰：（八十華嚴法慧菩薩說百二十一偈，六十華嚴說兩百四十二偈，見附17-1）		



附17-1：華嚴經初發心功德品之法慧菩薩說初發心功德結會之一

佛十波羅蜜——初發心住	佛	大慈大悲心，充滿十方界，分別諸佛刹，佛法及三世， 欲具佛功德，菩薩法藏海，饒益眾生故，初發菩提心。
	法	欲悉分別知，虛空等法界，一切群生類，諸佛及佛法， 欲得一切佛，諸道至處力，成就不退轉，饒益諸群生。
	僧	一切眾生中，常起大慈悲，遠離瞋恚念，修習饒益心。 慈光照十方，為眾作歸依，諸佛悉護念，功德難思議。
	精進	欲悉分別知，一切諸佛刹，如來妙法身，甚深難思議。 無量功德藏，智慧甚深廣，因是初發心，專求佛菩提。
	禪定	欲悉分別知，一切眾生類，十方世界中，智慧無障礙。 龐細諸世界，或狹廣無量，一切中知一，一中知一切。
	般若	菩薩於彼行，精勤不放逸，苦樂無厭著，欲度眾生故。 一切佛現前，樂觀無厭足，悉入甚深法，無量功德海。
	方便	五道諸群生，愍之如一子，令除眾垢穢，具足清淨法。 欲令諸佛種，究竟不斷絕，降伏一切魔，摧滅無有餘。
	願	平等觀如來，三世諸法相，甚深微妙法，常修不放逸。 菩薩常樂觀，一切佛境界，是故諸如來，甘露慧灌頂。
	力	信心不可沮，堅固如金剛，於諸如來所，知恩而報恩。 最勝之境界，無量智慧光，自悟不由他，菩薩初發心。
	智	悉能分別知，五道眾生欲，種種諸業報，一切心所行。 知諸根利鈍，無量無數性，一切勝境界，菩薩初發心。
法十波羅蜜——治地住	佛	菩提心無量，清淨法界等，無著無所依，無染如虛空。 成就佛智慧，其心無障礙，諦了真實際，寂滅離虛妄。
	法	了達眾生心，而無眾生想，方便分別法，究竟到彼岸。 無量無數劫，悉能分別知，往詣諸佛刹，明解甚深法。
	僧	若能分別知，無量諸佛法，清淨法界藏，諦了無疑惑。 深解眾生根，究竟到彼岸，平等觀諸法，則與如來等。
	精進	清淨無量心，常在諸佛前，恭敬而尊重，供養人師子。 親覲一切佛，樂觀無厭足，彼諸如來等，護念此菩薩。
	禪定	於諸深妙法，分別無障礙，無著無所依，心淨如虛空。 彼知人師子，智慧海深廣，寂然入正受，三世觀無礙。
	般若	堅固不可沮，一切莫能壞，專念無上道，未曾有斷絕。 離闇趣明正，志學諸善法，常樂觀寂滅，具足真實性。
	方便	寂默語言道，平等無異觀，於法不分別，是則從如生。 悉能分別知，諸佛深境界，寂然入正受，三達無障礙。
	願	十方世界中，一切諸佛刹，菩薩自在力，一念悉周遍。 無量不可數，方便悉具足，普遊十方界，是名真佛子。

附17-1：華嚴經初發心功德品之法慧菩薩說初發心功德結會之二

治地住	力	具足大悲心，清涼除渴愛，大慈念一切，無礙如虛空。
		於彼眾生類，不生眾生想，悉已離虛妄，清淨遊十方。
	智	於彼諸群生，常施以無畏，如此真實行，是則等如來。
		常說甚深法，清淨無所著，是故十方佛，一切悉護念。
僧十波羅蜜——修行住	佛	過去未來世，無量無數劫，次第悉憶念，具足分別知。
		菩薩於現在，一切十方界，悉能普周遍，濟度諸群萌。
	法	深智正觀察，明了無障礙，悉知因緣合，磨滅無堅固。
		一切眾生類，諸有疑難者，菩薩悉除滅，安住法性中。
	僧	菩薩無畏力，降伏一切魔，悉能為眾生，滅除愚癡闇。
		世界若成壞，悉皆分別知，若能如是觀，佛境無疑惑。
	精進	觀察三世法，疑網永已除，一切如來所，淨信不可壞。
		信力安隱住，智慧力成就，智慧清淨故，決定解真實。
	禪定	盡於未來際，饒益眾生故，欲令一切眾，究竟得解脫。
		無際生死中，精勤不厭倦，一切地獄處，受苦為眾生，
	般若	功德智慧藏，具足皆成就。悉能善分別，一切眾生根，
		又能分別知，眾生種種業，隨彼業對治，菩薩為說法，
	方便	以大慈悲心，隨順世間行。
		悉於一切法，解達空無我，一一音聲中，演說無量教，
	願	菩薩放大光，種種微妙色，普照十方界，除滅一切闇。
		一一光明端，清淨寶華座，菩薩悉處上，為眾演說法。
精進十波羅蜜——生貴住	力	於一毛孔中，普見十方刹，彼刹妙莊嚴，諸佛菩薩會。
		一一如來所，無量眾圍遶，清淨妙智慧，明了眾生心。
	智	十方世界中，無量諸佛刹，菩薩神通力，一念悉遍至。
		恭敬供養佛，饒益眾生故，一一導師所，諮決甚深義。
	佛	普於諸世尊，先起慈父想，饒益眾生故，分別菩薩行。
		明淨利智慧，解達深法藏，出生無量智，佛法無所礙。
	法	無量無數劫，分別說法界，劫數可究竟，法界無窮盡。
		平等觀諸法，其心無所染，不厭生死苦，智慧無障礙。
	僧	無上佛種性，三世法王家，一切如來法，菩薩由此生。
		清淨妙法身，應現種種形，猶如大幻師，所樂無不見。
	精進	或處為眾生，究竟菩薩行，或復現初生，出家行學道，
		或於樹王下，自然成正覺，或處為眾生，示現入泥洹。
	禪定	現住甚深妙，無量自在法，聲聞辟支佛，一切莫能測。
		菩薩身口意，寂滅無生相，普應一切世，方便無不現。
	般若	如是佛真子，境界甚深妙，眾生若思議，迷亂心發狂。
		一切悉具足，安住無礙智，普現諸如來，無量自在力。

附17-1：華嚴經初發心功德品之法慧菩薩說初發心功德結會之三

精進波羅蜜——生貴住	方便	菩薩功德藏，世間無與等，何況最勝尊，無量難思議。
		菩薩雖未得，具足一切智，無量諸法門，究竟到彼岸。
	願	一切勝妙法，皆悉已具足，一向求菩提，究竟一乘道。
		於彼諸群生，善知時非時，為欲利益故，示現大神力。
	力	一身悉充滿，一切諸佛刹，演出淨光明，輝耀無倫匹。
		遍照十方界，除滅一切闇，普降妙法雨，如海大龍王。
禪定十波羅蜜——具足方便住	智	觀察一切法，虛妄猶如幻，煩惱業力故，生死常輪轉。
		以大慈悲心，普覆諸群生，清淨妙方便，度脫無量眾。
	佛	菩薩功德力，與諸如來等，無量智慧海，清淨如虛空。
		無量無數劫，具修菩薩行，精進勤方便，欲度一切眾。
	法	眾生種種行，悉能分別知，令修清淨業，志求無上道。
		菩薩摩訶薩，行是勝妙法，決定不退轉，諦觀一切智。
	僧	一切諸世界，無量難思議，菩薩能於彼，一念悉周遍。
		遠離虛妄想，其心如虛空，清淨法身一，普應一切世。
	精進	湛然常不動，十方無不現，分別一切法，不取諸法相。
		了達一切法，其心無所染，濟度一切眾，而無解脫者。
	禪定	一切群生類，種種諸希望，善惡無記法，寂滅如虛空。
		隨順眾庶類，種種欲樂相，無量自在力，悉能應化之。
	般若	猶如工幻師，能現種種身，菩薩自在力，充滿十方界。
		菩薩淨法身，無量等虛空，隨眾所欲樂，一切無不現。
	方便	其心無所染，真實無虛妄，清淨煩惱法，皆悉無所有。
		解脫非解脫，其心無所染，普施苦眾生，無上涅槃樂。
	願	悉於諸世間，智慧無所畏，具足眾相好，究竟無上道。
		一念悉分別，一切諸法相，去來現在世，求之無所有。
	力	菩薩觀前際，了達過去世，分別後際相，究竟亦如是。
		一切佛世界，分別皆悉知，除滅眾煩惱，具足諸功德。
般若波羅蜜——正心住	智	常好觀寂靜，究竟趣涅槃，樂無諍三昧，其心無所依。
		菩薩等實際，一切無與等，究竟堅固行，決定不退轉。
	佛	彼修眾勝行，寂滅無所依，其心常安住，不動如須彌。
		菩薩淨妙行，充滿諸法界，諸佛及菩薩，皆悉分別知。
	法	欲求導師慧，究竟最勝道，甚深一切智，無上解脫王，
		勇猛勤精進，速發菩提心，欲求最勝樂，應疾斷諸漏。
	僧	菩薩摩訶薩，初發清淨心，彼心功德藏，說之不可盡。
		饒益眾生故，讚歎如來行，一心善諦聽，最勝所行道。
	精進	無量諸佛刹，悉末為微塵，一塵置一刹，悉能分別知，
		是諸刹土中，一切諸如來，說初功德藏，猶故不可盡。

附17-1：華嚴經初發心功德品之法慧菩薩說初發心功德結會之四

般若十波羅蜜——正心住	禪定	善分別眾生，而無眾生想，善解一切語，而無言語想。
		甚深無礙智，分別諸世界，善解劫成敗，而無成敗想。
	般若	清淨廣大心，猶如虛空性，明解三世法，一切諸世間。
		除滅諸煩惱，永盡無有餘，無礙寂滅觀，是則佛正法。
	方便	十方世界中，一切如來所，一念悉遍至，其心無所染。
		善解不生法，如如真實際，一切種種相，皆悉無真實。
	願	無量不可數，一切諸如來，清淨眷屬俱，悉往禮供養。
		常樂問如來，甚深微妙法，一切諸菩薩，誓願清淨行。
方便十波羅蜜——不退住	力	十方世界中，一切諸導師，一念悉觀見，而心無所依。
		一切三有中，最勝妙功德，以此清淨行，莊嚴諸佛刹。
	智	慧眼無障礙，善解一切生，分別無所有，遠離無染著。
		善解眾生根，煩惱及習氣，眾生種種欲，了達不思議。
	佛	菩薩摩訶薩，先知眾生心，隨彼所應度，慧者為說法。
		善知時非時，眾生淨穢行，漸令彼清淨，究竟得解脫。
	法	無量那由他，甚深諸三昧，菩薩自在力，一念悉能入。
		三昧起住相，悉善分別知，無量諸境界，善解住起緣。
	僧	如是等智慧，皆悉已具足，不久得菩提，一切無障礙。
		常為利眾生，正趣智慧光，彼能與眾生，無上丈夫法。
	精進	悉能善分別，一切劫長短，晝夜及歲月，斯亦善觀察。
		正念不放逸，善解諸世間，分別諸佛刹，真實無差別。
	禪定	能善分別知，一切諸世界，於彼十方國，無有分別想。
		如是正觀察，十方諸世界，嚴淨一切國，而心無所著。
	般若	成就智慧力，與諸如來等，是處非處力，分別知眾生。
		悉知眾生類，善惡諸業報，過去未來世，明達無障礙。
	方便	一切諸世界，眾生種種性，於彼三有中，悉能分別知。
		一切群生類，諸根上中下，菩薩摩訶薩，悉能分別知。
	願	一切眾生類，欲樂上中下，清淨不清淨，悉能分別知。
		分別知眾生，一切至處道，永斷相續緣，究竟離三有。
	力	一切諸三昧，正受禪解脫，垢穢清淨起，悉能分別知。
		次第知宿命，隨所受苦樂，如是分別者，是則如來力。
	智	一切善不善，眾生煩惱業，分別五道生，究竟得泥洹。
		諸漏若未盡，能趣處處生，煩惱習已滅，究竟無上道。

附17-1：華嚴經初發心功德品之法慧菩薩說初發心功德結會之五

願十波羅蜜——童真住	佛	方便度眾生，滅垢具淨道，慧者能分別，是則人中雄。
		具足十種力，慧光除眾冥，安住最勝力，疑惑究竟滅。
	法	一一毛孔中，無量諸佛刹，菩薩摩訶薩，一切皆悉見。
		穢濁或清淨，種種妙莊嚴，隨彼諸行業，皆悉分別知。
	僧	一一微塵中，一切諸佛刹，諸佛及菩薩，佛子皆悉見。
		諸刹不積聚，不亂不迫迮，一切入一刹，而亦無所入。
	精進	十方諸國土，虛空法界等，能於一毛孔，具足分別知，
		普見十方界，一切諸最勝。微妙淨莊嚴，一切諸佛刹，
	禪定	一切諸如來，及彼嚴淨國。於一毛孔中，慧者皆悉見，
		三世差別相，一切諸法界。時節歲相續，分別得解脫，
	般若	如是真佛子，具足無所畏。是名人中雄，明達智慧者，
		如是深法門，慧者悉分別。彼於如來所，恭敬喜無量，
力十波羅蜜——法王子住	方便	無量無數劫，長養功德藏。供養一切佛，度脫眾生故，
		無量自在力，種種能示現。彼智慧境界，與諸如來等，
	願	無量諸佛所，所學皆成就。寂靜深法藏，悉樂無厭足，
		一切導師所，恭敬尊重心。彼修菩薩行，常飲法甘露，
	力	悉能善分別，長養智慧法。菩提無礙辯，甚深諸三昧，
		信心不可動，猶如須彌山，長養諸眾生，一切功德藏。
	智	菩薩摩訶薩，大慈悲無量，普念一切眾，其心無所著。
		一切種智樂，惠施諸眾生，悉欲救世間，永離煩惱垢。
	佛	菩薩摩訶薩，大悲心無量，佛及已眾生，等觀無有異。
		樂觀寂滅相，諸法如虛空，慧者如是觀，一切真實性。
	法	菩薩初發心，甚深功德藏，無量無數劫，說之不可盡。
		出生諸如來，緣覺閑靜樂，自在聲聞眾，一切賢聖故。
	僧	十方世界中，無邊諸佛刹，所有眾生類，供養無量劫。
		又教修五戒，十善及四禪，四等無色定，寂滅諸解脫。
	精進	復於無量劫，供施諸樂具，又復教轉勝，漏盡成羅漢。
		如此諸功德，猶尚可稱量，發心功德藏，無譬不可說。
	禪定	又化無量眾，悉成辟支佛，寂靜三摩提，甚深諸功德。
		彼人功德聚，比初發心藏，百分不及一，乃至不可說。
	般若	無量無有邊，微塵等佛刹，假使神力人，一念悉能過。
		如是神足力，無量劫中行，彼刹猶可數，發心藏難知。
	方便	去來現在劫，無量無有邊，如是等諸劫，猶可知其數。
		菩薩初發心，無量功德藏，猶如虛空界，分際不可知。
	願	去來現在世，一切諸劫數，菩薩於一念，悉能分別故。
		菩薩發心寶，欲達去來今，一念悉明了，利益眾生故。

附17-1：華嚴經初發心功德品之法慧菩薩說初發心功德結會之六

法王子住	力	十方世界中，無量刹眾生，所有欲希望，一念悉分別。 知諸根方便，念念心所行，虛空尚可量，菩提心難知。
	智	所以不可量，大慈無量故，普施一切樂，充滿十方界。 欲令悉得佛，法藏解脫樂，初發寶藏心，功德力無量。
智十波羅蜜——灌頂住	佛	眾生欲希望，方便願求想，隨彼種種根，身口意所行。 能於一念中，彼彼悉覺知，欲得一切智，發心願菩提。
	法	一切眾生類，無量煩惱業，由斯結業故，趣趣受諸有。 如此結業報，猶可知邊際，發心功德藏，不可得思議。
	僧	所以不可議，能發無上願，供養一切佛，永離諸煩惱。 兼除群生類，一切煩惱業，濟拔三世苦，究竟大悲心。
	精進	十方諸世界，無量無數佛，一念悉供養，兼以勸眾生。 熏以殊妙香，寶幢諸幡蓋，天衣珍妙饌，上味甘露漿。
	禪定	隨時諸宮觀，床臥莊嚴具，清淨經行地，安身順道心。 斯等眾供具，無量寶莊嚴，摩尼發光耀，皆是快樂因。
	般若	如是供養佛，兼以勸眾生，不可思議劫，常行此供養。 斯等諸功德，尚可究竟說，發心功德藏，無可為譬喻。
	方便	一切諸譬喻，如前廣分別，欲比初發心，無量不及一。 三世人中尊，一切功德業，無上菩提果，皆由初發心。
	願	無數億劫中，修行無上道，無數無有量，出過一切量。 究竟一切智，其力不可量，到彼菩提岸，超度群生趣。
	力	初發菩薩心，廣大如虛空，出生諸功德，其相同法界。 等觀諸法性，如實無異相，永離一切有，性同堅固士。
	智	甚深真法性，妙智隨順入，無邊諸佛土，一念悉周遍。 一切智所知，無不遍觀察，無量佛境界，了達無障礙。
涅槃相應十波羅蜜	佛	常修妙功德，一切無與等，具足微妙戒，清淨無瑕穢。 內外一切施，等心施一切，一切時常施，精勤不退轉。
	法	專念修正受，諸禪功德藏，常習微妙智，深廣無涯底。 於此最勝地，成就佛真子，逮得如實智，平等甚深行。
	僧	去來現在世，一切諸如來，悉以威神護，初發菩提心。 甚深諸三昧，無量陀羅尼，諸佛自在力，莊嚴初發心。
	精進	一切諸世間，莫能稱算者，無量無有邊，猶如虛空界。 初發菩提心，無量無有邊，一切人師子，皆由初發心。
	禪定	如來十種力，四辯無所畏，無量諸功德，皆由初發心。 一切諸導師，十八不共法，斯等殊勝慧，皆由初發心。
	般若	諸佛妙色身，種種相莊嚴，究竟離虛妄，清淨真法身。 天人所應供，甚深無礙智，如是等功德，皆由初發心。

附17-1：華嚴經初發心功德品之法慧菩薩說初發心功德結會之七

涅槃相應十波羅蜜	方便	一切辟支佛，無量聲聞眾，斯等諸賢聖，皆由初發心。
		四禪無色定，甚深諸三昧，斯等無量樂，皆由初發心。
	願	去來今現在，十方天人類，一切世界中，趣趣受生樂，
		方便勤精進，諸根悉調伏，斯等無量樂，皆由初發心。
	力	所以然者何？菩薩摩訶薩，因初發心故，具六波羅蜜。
		化諸群生類，棄邪入正道，故能令三界，受茲種種樂。
菩薩相應十波羅蜜	智	菩薩深妙智，通達無障礙，開導諸眾生，淨修殊勝業。
		滅除眾煩惱，一切不善行，修習涅槃道，度脫一切眾。
	佛	無量智慧明，猶如淨日光，具足清白行，譬如月盛滿。
		無邊功德藏，猶如十方海，無垢無所染，清淨如虛空。
	法	菩薩初發心，稱讚不可盡，悉令諸眾生，具受一切樂。
		無量無數劫，廣修諸大願，常習功德業，調伏眾生故。
	僧	無量無有數，淨願難思議，皆悉具足滿，令眾得清淨。
		普觀一切法，悉空無相願，弘誓願力故，心淨無所畏。
	精進	解法真實性，清淨如虛空，定亂悉平等，寂滅無所有。
		甚深諸妙法，無量難思議，常為大眾說，其心無染著。
	禪定	十方世界中，一切諸如來，彼佛常讚歎，菩薩初發心。
		無量妙功德，莊嚴初發心，至彼清淨岸，性同諸如來。
	般若	一切眾生類，無量無數劫，稱讚初發心，功德不可盡。
		諸佛功德藏，菩薩由是生，於諸三有中，最勝無倫匹。
	方便	欲得一切佛，明淨智慧燈，應建弘誓願，速發菩提心。
		一切功德中，菩提心為最，能得無礙智，從佛法化生。
	願	一切眾生心，悉可分別知，一切剎微塵，尚可算其數。
		十方虛空界，一毛猶可量，菩薩初發心，究竟不可測。
	力	因初菩提心，出生三世佛，一切諸眾生，種種上妙樂。
		佛所讚功德，因此悉具足，於佛境界中，其心無疑惑。
勸發菩提心	智	若能永遠離，一切諸疑惑，則能滅眾生，無量諸障礙。
		因初菩提心，嚴淨諸佛國，普令一切眾，具足微妙智。
	欲見十方剎，三世一切佛，又欲得無量，甚深功德藏。	
		若欲滅眾生。無量生死苦。應建堅誓願。速發菩提心。

(返回第114頁)